

Dan škole  
Svjetski dan zdravlja  
7. april



# Dan škole



**Ove godine, škola slavi svoj 76. rodendan. Sa velikim ponosom može reći da mnoge generacije njenih učenika vode brigu o zdravlju i provode njegu svojih pacijenata. Naša škola je mjesto puno razumjevanja, ljubavi i tolerancije.**

# Svjetski dan zdravlja



**Svjetski dan zdravlja nosi poruku “Naša planeta, naše zdravlje”. Tema naglašava uticaj okoliša na nas same. Ove godine želimo napraviti jedan mali korak i podržati ovaj pokret. Kao budući zdravstveni radnici, dužni smo edukovati ljude, za naše bolje sutra.**  
**#zdravijisutra #healthiertomorrow**

Usred pandemije, zagađene planete i sve većeg broja bolesti poput raka, astme i srčanih bolesti, Svjetska zdravstvena organizacija će ovog Svjetskog dana zdravlja 2022. usmjeriti globalnu pažnju na hitne radnje koje su potrebne kako bi ljudi i planeta bili zdravi.

1. ZAGAĐENJE ZRAKA
1. ZAGAĐENJE VODE
1. ZAGAĐENJE ZEMLJIŠTA

# INFORMACIJE OD STRANE SVJETSKJE ZDRAVSTVENE ORGANIZACIJE

Plastika je nađena u najdubljim dijelovima okeana i najvišim vrhovima planina, kao i u našoj hrani.

13 ljudi umre svake minute od bolesti izazvanih zagađenjem zraka.



900.000 ljudi svake godine umre od probavnih bolesti izazvanih zagađenjem vode.

9 od 10 ljudi udišu zagađen zrak.

Zagrijevanjem naše planete, komarci šire bolesti puno brže nego ranije. Ekstremni vremenski događaji, degradacija zemljišta i nestašica vode raseljavaju ljude i utiču na njihovo zdravlje.

Sistemi koji proizvode visoko prerađenu, nezdravu hranu i piće pokreću val gojaznosti, povećavajući rak i srčana oboljenja, a istovremeno stvaraju trećinu globalnih emisija stakleničkih plinova.

## Biciklo umjesto automobila

- POBOLJŠAVA NAŠE ZDRAVLJE

- SMANJUJE ZAGAĐENJE ZRAKA

- SPRJEČAVA KLIMATSKE PROMJENE



## Reciklaža

- UMJESTO PLASTIKE, KORISTIMO MANJE ŠTETNE MATERIJALE

## Energija

- OBNOVLJIVI IZVORI ENERGIJE  
- ISKLUČI SVJETLO KADA NISI U PROSTORIJI



Šta možemo učiniti  
da unaprijedimo  
naše zdravlje i  
zdravlje planete  
Zemlje?





U organizaciji Ministarstva za odgoj i obrazovanje i Ministarstva privrede Kantona Sarajevo, 2021. godine učenici trećih razreda naše Škole, izvršili su pošumljavanje. Sve planirane aktivnosti realizovalo je 114 učenika trećih razreda u pratnji profesora i direktora Škole. Svaki učenik zasadio je dodijeljeni broj sadnica bora, uz neposredan nadzor i stručnu pomoć službenika iz JP Sarajevo šume, Sarajevo, kojom prilikom su pohvaljeni za posvećenost i uspješno izvršeni zadatak. Ovakav gest može biti podstrek za sličnu aktivnost od strane učenika naše Škole i u narednim godinama pošumljavanja raznih lokaliteta. Učenicima je održano predavanje o značaju šuma kao bitnog prirodnog resursa.



*"Zasadi za život"*



Svake godine 22. marta učenici naše škole zajedno sa profesorima obilježavaju Svjetski dan voda, sve sa ciljem podizanja svijesti o važnosti vodenih resursa naše države. Veoma je važno i usmjeriti globalnu pažnju na ovu temu. Naziv ovogodišnje kampanje, bio je "Podzemne vode-otkrivanje sakrivenog". Izvan pogleda, ispod naših nogu, podzemne vode su skriveno blago koje obogaćuje naše živote. Gotovo sva tečna slatka voda u svijetu je podzemna voda, koja omogućava opskrbu pitkom vodom, sanitarne sisteme, poljoprivredu i ekosisteme. Učenici su i ove godine, Svjetski dan voda obilježili raznim panoima i prezentacijama koji su bili izložni u holu naše škole.



U organizaciji Udruženja građana Ruke i Olimpijskog komiteta Bosne i Hercegovine, a povodom dana planete Zemlje organizirana je volonterska akcija čišćenja javnih površina. Naši učenici su se odazvali pozivu za učešće na ovoj akciji te je tim povodom u amfiteatru škole održano predavanje na temu zaštite okoliša i olimpizma. Na sam dan održavanja akcije učenici su sa velikim elanom pristupili čišćenju pri čemu je u neposrednoj blizini naše škole sakupljena velika količina otpadaka, stakla, plastike, papira i sl.

Let's Do It - očistimo zemlju za 1 dan





**Lets'doit**  
BOSNA I HERCEGOVINA

U toku pandemije, učenici su pravili mnoge prezentacije i panoe na temu koronavirusa. Zajedno sa profesorima, obezjedili su taj materijal i na stranici naše škole. Uz osnovne informacije o tada još nepoznatom virusu, učenicima naše škole predstavljene su i smjernice za zaštitu našeg zdravlja, kao i za zaštitu ljudi koji nas okružuju.



Kroz školske aktivnosti i druženje uradili smo mnogo toga kako bi pomogli našoj planeti, našem zdravlju, a i zdravlju generacija koje tek dolaze. Najljepši poklon koji možemo dati našoj školi jeste trud i rad za bolje sutra.

Radujmo se akcijama koje dolaze uz pomoć kojih ćemo napraviti promjenu koju želimo vidjeti u svijetu. Ako ne mi, ko onda? Ako ne sada, kada? Svijet se pokreće sitnicama.

Radila učenica:  
*Amina Odobašić*  
Sekcija "Prva pomoć"